

- (১২) দ্বীনের ব্যাপারে তর্ক-বিতর্ক বা বাহাস-মুনাযারার নিন্দাবাদ ৪২
 (১৩) বিদআতীকে ঘৃণা করা এবং তাকে সম্মান না দেওয়া ৪৮
 (১৪) বিদআতীদের বা বিদআতের চমৎকার নামে ধোকা খাওয়া উচিত নয়, যদিও বা তারা নবী ﷺ-এর হাদীস বয়ান করে এবং হৃদয়গ্রাহী বক্তৃতা ও ওয়ায করে ৪৯
 (১৫) বিদআতী ফাসেক অপেক্ষা নিকৃষ্টতর ৫১
 (১৬) কোন মানুষের প্রকৃত অবস্থা খুলে বলা কখন বৈধ, কখন উত্তম এবং কখন ওয়াজেব? ৫৪
 (১৭) সঙ্গীর অবস্থা দেখে সলফগণের ব্যক্তির মান নির্ণয় ৫৬
 (১৮) প্রবৃত্তিপূজক বিদআতী ও সুন্নাহ-বিরোধীদের গীবত সলফের নিকট গীবত নয় ৬৩
 (১৯) বিদআতীদের প্রশংসা ও তা'যীম করার কুফল ৬৫
 (২০) বিদআতীর সাজা ৬৬
 (২১) বিদআতীর পরিণাম ও গুণাবলী ৬৯
 (২২) বিদআতীর কি তওবা আছে? ৭৩
 (২৩) বিদআত ও কুপ্রবৃত্তিতে পড়ার কারণসমূহ ৭৫
 (২৪) বিদআত ও কুপ্রবৃত্তিতে পড়া থেকে বাঁচার পথ ৭৬
 (২৫) হাদীস দ্বারা প্রবৃত্তিপূজক বিদআতীদের প্রতিবাদ ও খন্ডন ৭৮
 (২৬) প্রবাসী-সম মুসলিমের গুণাবলী এবং সংখ্যালঘু হলেও শঙ্কার কিছু নেই ৭৯
 (২৭) আহলে সুন্নাহর প্রতি প্রীতি ও বিদ্বেষ দ্বারা মানুষের আকীদা পরীক্ষা ৮৩
 (২৮) কতিপয় হিতকথা, উপদেশ ও আদব ৮৪
 (২৯) কবিতা ৯৩

সুন্নাহ

অনুবাদের কথা

الحمد لله رب العالمين، والصلاة والسلام على أشرف المرسلين، نبينا

محمد وعلى آله وصحبه أجمعين، ومن تبعهم بإحسان إلى يوم الدين،

‘মণিমালা’ এই পুস্তিকাটি বিদআতমুক্ত আহলে সুন্নাহ তথা সালাফীদের বিভিন্নমুখী বিদআত-বিরোধী কথামালার মণি-মুক্ত-হিরে-চুনি-পান্না-কাঞ্চন-প্রবাল-পদ্মরাগের বহুমূল্য হার এবং হাদীস তথা সুন্নাহর একনিষ্ঠ অনুসারী তথা আহলে সুন্নাহর পথের পথিকদের জন্য এক অমূল্য উপহার।

বইটি আল-গাতু দাওয়াত অফিসে কর্মরত আমার প্রীতিভাজন ভাই মওলানা আব্দুল লতীফ মাদানীর হাতে এলে তিনি পড়ে মুগ্ধ হন এবং আমাকে তার অনুবাদ করে বাংলার পাঠককে উপহার দিতে সুপরামর্শ দেন। সহীহ আকীদাহ ও অভিন্ন দাওয়াত-পদ্ধতির আকর্ষণে এই পুস্তিকার অনুবাদ করতে আমি প্রয়াস পাই।

এখান থেকে যদি সেই দ্বীনের আহবায়করা মণির মালা গ্রহণ করেন, যারা তাঁদের দাওয়াতকে সুন্দরী, সুরভিতা, সুশোভিতা ও সুসজ্জিতা কনের রূপ দিয়ে পাণিপ্ৰার্থী বরের অপেক্ষায় রয়েছেন, অথচ তার গলায় কোন মালা বা হার নেই, তাহলে অবশ্যই তাঁদের সেই দাওয়াত সত্বর গ্রহণীয় ও বরণীয় হবে।

বিদআত যেমনই হোক তা বিদআত এবং তা কর্দম। সুসজ্জিতা

কনের মূল্যবান বালমলে পরিচ্ছদকে মলিন করে দেয় ঐ কর্দম। বলা বাহুল্য ঐ কর্দম থেকে দূরে থাকা, কাদার ছিটা যাতে না লাগে তার শত চেষ্টা করা এবং দাওয়াতকে বিদআতমুক্ত করা প্রত্যেক দাওয়াত-পেশকারীর কর্তব্য।

অবশ্য ‘কানা বেগুনের ডোগলা খদ্দের’ যে নেই তা নয়। তা বলে বেগুনের খদ্দের দেখেই বেগুনকে ভালো বলে জ্ঞানীগণ মেনে নিতে পারেন না। কর্দমাক্ত মলিন অসুন্দরী কত শত কনের বিবাহ এমনিতেই হয়ে যায়। আর তার মানে এই নয় যে, তারা সবাই অমলিন সুন্দরী। কারো চোখে সুন্দরী এবং কারো চোখে অসুন্দরী হলেও প্রকৃত সুন্দরী ও অসুন্দরী তথা আচম্কা সুন্দরী অবশ্যই সমান নয়। সুতরাং প্রকৃত ও অনিন্দ্য তথা পরমা সুন্দরী বেছে নেওয়া অবশ্যই জ্ঞানী বরের সুরূচির পরিচয়। দাওয়াতের বাজারে সুশোভিত চমৎকার বহু ব্যক্তি ও সংগঠন কাজ করছে, তার মধ্যে যেটি আসল ও খাঁটি তাওহীদবাদী সালাফী দাওয়াত সেটিকেই গ্রহণ ও বরণ করে নেওয়া প্রত্যেক জ্ঞানী মুসলিমের কর্তব্য।

মহান আল্লাহ সকলকে সঠিক জিনিস চিনে বেছে নেওয়ার তাওফীক দান করুন। মণিমালা দ্বারা তার লেখক, অনুবাদক ও পাঠকের চক্ষুর মণিকে শীতল করুন। আমীন।

বিনীত-

আব্দুল হামীদ মাদানী

আল-মাজমাআহ, সউদী আরব

২৫ ফিলহজ্জ ১৪২২ হিঃ

৯ মার্চ ২০০২ ইং



نحمده ونصلي على رسوله الكريم.

যুগে যুগে ইসলামের মধ্যে অনুপ্রবিষ্ট শিক, বিদআত ও কুসংস্কারসমূহকে পবিত্র কুরআন ও সহীহ হাদীসের আলোকে সংস্কারের লক্ষ্যে সাহাবাদের যুগ থেকেই আন্দোলন চলে আসছে।

মুসলিম সমাজে বিশেষ সর্বনাশ হল বিদআত বা ধর্মের নামে সওয়াব লাভের আশায় বাপ-দাদা চৌদ্দ পুরুষের রসম-রেওয়াজ পালন করা। সম্প্রতি মুসলিম সমাজে ধর্মের নামে যে সকল অধর্ম, বিদআত, কুসংস্কার ও অপসংস্কৃতির ছড়াছড়ি চলছে অত্র পুস্তকে তার তীব্র প্রতিবাদ জানানোর সাথে সাথে বিদআতীদের নিন্দাবাদ এবং তাদের সাথে ওঠা-বসা তথা দ্বীনী সম্পর্ক রাখতেও নিষেধ করা হয়েছে। উলামায়ে-সলফের অতি মূল্যবান বাণীর মণি-কাঞ্চনকে হাররূপে উপহার দিয়ে বিদআতী আকীদা-বিশ্বাসের বিরুদ্ধে ব্যাপক দাওয়াতী প্রতিরোধ গড়ে তোলার লক্ষ্যে সকল শ্রেণীর মানুষকে অনুপ্রাণিত ও উদ্বুদ্ধ করা হয়েছে। আর সেই সাথে বিদআত প্রসঙ্গে ইসলামের দৃষ্টিভঙ্গি ব্যাখ্যা করে তার প্রতিকারের উপায় সম্বন্ধেও আলোচনা করা হয়েছে।

বলা বাহুল্য, অত্র পুস্তিকার মূল লক্ষ্য হল, যাবতীয় বিদআত পরিহার করে মুসলিম জনগোষ্ঠীকে সনাতন ইসলাম-মুখী করা।

অর্থাৎ, আর এই পথই আমার সরল পথ। অতএব তোমরা এর অনুসরণ কর এবং অন্য পথসমূহের অনুসরণ করো না। করলে তা তোমাদেরকে তাঁর পথ হতে বিচ্ছিন্ন করে ফেলবে। এ বিষয়ে তিনি তোমাদেরকে এইরূপ আদেশ দিচ্ছেন, যাতে তোমরা সাবধান হও। (সূরা আনআম ১৫৩ আয়াত)

৩। মহানবী ﷺ বলেন, “তোমরা আমার সুন্নাহ (পথ ও আদর্শ) এবং আমার পরবর্তী সুপথপ্রাপ্ত খুলাফায় রাশেদীনের সুন্নাহ অবলম্বন কর। তা দৃঢ়ভাবে ধারণ কর, দাঁতে কামড়ে ধরো। আর দ্বীনে নবরচিত কর্ম থেকে সাবধান থাকো। কারণ, প্রত্যেক নবরচিত (দ্বীনী) কর্মই হল বিদআত। আর প্রত্যেক বিদআতই হল ভ্রষ্টতা।” (সহীহ আহমাদ ৪/১২৬, তিরমিযী ২৬৭৬ নং, হাকেম ১/৯৬, শারহুস সুন্নাহ বগবী ১/২০৫, ১০২নং)

৪। তিনি আরো বলেন, “আল্লাহ তোমাদের জন্য তিনটি কর্ম পছন্দ করেন; (তার মধ্যে ১টি হল,) ঐক্যবদ্ধ হয়ে তোমাদের আল্লাহর রশী (দ্বীন ও কুরআন)কে ধারণ করা।” (সহীহ ৪ শারহুস সুন্নাহ বগবী ১/২০২, ১০১নং)

৫। হুযাইফাহ ﷺ বলেন, ‘হে করীর দল! তোমরা আল্লাহকে ভয় কর। তোমাদের পূর্ববর্তী (সাহাবাদের) পথ অবলম্বন কর। আল্লাহর কসম! তাতে যদি তোমরা (সুপথে অবিচলিত থেকে) অগ্রসর হতে পার, তাহলে বড় দূর পথ অগ্রসর হয়ে থাকবে। আর যদি তোমরা সে পথ ছেড়ে ডাইনে-বামে সরে যাও, তাহলে ভ্রষ্ট হয়ে বহু দূরে সরে যাবো।’ (লালকায়ী ১/৯০, ১১৯নং, আল-বিদ’ অননাহয়ু আনহা, ইবনে অযযাহ ১৭পৃ, আস-সুন্নাহ, ইবনে নাসর ৩০পৃ)

৬। ইবনে মাসউদ ﷺ বলেন, তোমরা (রসূল ﷺ ও সাহাবাগণের) অনুসরণ কর এবং বিদআত করো না। দ্বীনের ব্যাপারে তোমাদের জন্য তাঁরই যথেষ্ট। আর প্রত্যেক বিদআতই ভ্রষ্টতা।’ (ইবনে অযযাহ ১৭পৃ,

আস-সুন্নাহ ২৮পৃ)

৭। যুহরী বলেন, ‘আমাদের বিগত উলামাগণ বলতেন, “সুন্নাহকে দৃঢ়ভাবে ধারণ করার মাঝে পরিভ্রাণ আছে। ইলম সত্ত্বর তুলে নেওয়া হবে। ইলমের বিদ্যমানতা হল দ্বীন ও দুনিয়ার স্থিতি। আর ইলম নিশ্চিহ্ন হওয়ার মানে হল, এ সবে ধ্বংস হয়ে যাওয়া।” (লালকায়ী ১/৯৪, ১৩৬নং, দারেমী ১/৫৮, ১৬নং)

৮। আব্দুল্লাহ বিন মাসউদ ﷺ বলেন, ‘ইলম তুলে নেওয়ার আগে তোমরা ইলমকে যত্ন কর। আর তোমরা বিদআত (নতুন কর্ম), বাড়াবাড়ি ও (খুঁটিনাটি নিয়ে) গভীর চিন্তা-ভাবনা (বা ভেদ খোঁজা) থেকে দূরে থাক। বরং তোমরা প্রাচীন পথ অবলম্বন কর।’ (দারেমী ১/৬৬, ১৪৩নং, আল-ইবানাহ ১/৩২৪, ১৬৯নং, লালকায়ী ১/৮৭, ১০৮নং, ইবনে অযযাহ ৩২পৃ)

৯। তিনি আরো বলেন, ‘বিদআতে মেহনত করার চেয়ে সুন্নাহর উপর অল্প আমল অনেক ভাল।’ (আস-সুন্নাহ ৩০পৃ, লালকায়ী ১/৮৮, ১১৪নং, আল-ইবানাহ ১/৩২০, ১৬১নং)

১০। সাঈদ বিন জুবাইর মহান আল্লাহর বাণী (وَعِبَلٌ صَالِحًا لِّمُؤْمِنِيكُمْ) (অর্থাৎ, সৎকাজ করে ও সৎপথে অটল থাকে) -এর ব্যাখ্যায় বলেন, ‘সুন্নাহ ও জামাআত অবলম্বন করে।’ (আল-ইবানাহ ১/৩২৩, ১৬৫নং, লালকায়ী ১/৭১, ৭২নং)

১১। আওয়ালি বলেন, ‘সুন্নাহ আমাদেরকে যেকোনো ঘুরায়, আমরা সেদিকেই ঘুরব।’ (লালকায়ী ১/৬৪, ৪৭নং)

১২। ইমাম আহমাদ বলেন, ‘যারা খেয়াল-খুশী মত চলে (বিদআতী) তাদের কাছ থেকে কম-বেশী কিছুই লিখ না। বরং তোমরা সুন্নাহ (হাদীস) ও আসার-ওয়ালাদের সাহচর্য গ্রহণ কর।’ (সিয়াকু আ’লামিন নুবাল্লা’ ১১/২৩১)

উত্তম হত এবং সুদৃঢ়।

৩২। কাহান আবিব হাইয়াম বলেন, আমাদেরকে আবু গালেব বর্ণনা করে বলেছেন যে, আমি আবু উমামার নিকট ছিলাম। এমন সময়ে এক ব্যক্তি তাঁর উদ্দেশ্যে বলল,

(هُوَ الَّذِي أَنْزَلَ عَلَيْكَ الْكِتَابَ مِنْهُ آيَاتٌ مُحْكَمَاتٌ هُنَّ أُمُّ الْكِتَابِ وَأُخْرُ

مُتَشَابِهَاتٌ، فَأَمَّا الَّذِينَ فِي قُلُوبِهِمْ زَيْغٌ فَيَتَّبِعُونَ مَا تَشَابَهَ مِنْهُ)

অর্থাৎ, তিনিই তোমার প্রতি এ গ্রন্থ অবতীর্ণ করেছেন, যাতে স্পষ্ট অর্থবোধক আয়াতসমূহ আছে, তা গ্রন্থের জননী-স্বরূপ এবং অবশিষ্ট অস্পষ্ট রূপক। অতএব যাদের হৃদয়ে বক্রতা আছে, ফলতঃ তারাই অশান্তি উৎপাদন ও ভুল ব্যাখ্যার উদ্দেশ্যে যা রূপক তার অনুসরণ করে---। (সূরা আ-লি ইমরান ৭ আয়াত)

আল্লাহর উক্ত বাণীতে উল্লেখিত যাদের হৃদয়ে বক্রতা আছে, তারা কারা? তিনি বললেন, ‘তারা হল খাওয়ারেজ।’ অতঃপর তিনি বললেন, ‘তুমি সংখ্যাগরিষ্ঠ জামাআতে शामिल থাক।’ আমি বললাম, ‘কিন্তু তাদের অবস্থা তো আপনি বুঝতে পারছেন।’ (অর্থাৎ তারা আল্লাহ-ভীরু নয়।) তিনি বললেন, ‘তারা নিজেদের বোঝা নিজেরা বহন করবে, তোমরা নিজেদের বোঝা নিজেরা বহন করবে, তাদের আনুগত্য কর হেদায়াত পাবে।’ (আস-সুন্নাহ, ইবনে নসর ২২ পৃঃ, ৫৫নং)

৩৩। দাউদ বিন আবী ফুরাত বলেন, আবু গালেব আমাকে বর্ণনা করেছেন, আবু উমামা তাঁকে বর্ণনা করেছেন যে, ‘বানী ইসরাঈল ৭১ ফির্কায় বিভক্ত হয়েছে। আর এই উম্মতের আরো একটি দল বেশী হবে। তাদের মধ্যে বৃহত্তম দলটি ছাড়া সবগুলোই দোযখে যাবে। আর সেই (বৃহত্তম দলই) হল জামাআত।’

আমি বললাম, ‘কিন্তু আপনি তো জানেন জামাআতের অবস্থা।’

আর সে সময়টি ছিল আব্দুল মালেক বিন মারওয়ানের খেলাফতকাল। তিনি এর উত্তরে বললেন, ‘শোন, আল্লাহর কসম! আমি ওদের কাজ-কারবারকে আমি অপছন্দ করি। কিন্তু তারা তাদের নিজেদের বোঝা বহন করবে। আর তোমরা তোমাদের নিজেদের বোঝা বহন করবে। আর বশ্যতা ও আনুগত্য ফাসেকী ও গোনাহর কাজ থেকে উত্তম।’ (ঐ ৫৬নং)

৩৪। মহানবী ﷺ বলেন, “যে ব্যক্তি দুনিয়াতে আল্লাহ তাবারাকা অতাআলার বাদশাকে সম্মান দেবে, আল্লাহ কিয়ামতে তাকে সম্মানিত করবেন। আর যে ব্যক্তি দুনিয়াতে আল্লাহ তাবারাকা অতাআলার বাদশাকে অপমান করবে, আল্লাহ কিয়ামতে তাকে অপমানিত করবেন।” (সিলসিলাহ সহীহাহ, আলবানী ২২৯৭ নং)

৩৫। তিনি ﷺ বলেন, “যে ব্যক্তি ৫টির ১টি করবে সে আল্লাহ আযযা অজাল্লার যামানতে হবে; তন্মধ্যে একটি হল, সম্মান ও শ্রদ্ধা করার উদ্দেশ্যে নেতার নিকট উপস্থিত হওয়া---।” (আস-সুন্নাহ, ইবনে আবী আসেম ১০২১ নং)

৩৬। উবাদাহ বিন সামেত কর্তৃক বর্ণিত, নবী ﷺ বলেন, “তোমার কষ্ট ও আনন্দের সময়, পছন্দ ও অপছন্দের সময়, (রাজা) তোমার উপর আর কাউকে অগ্রাধিকার দিলে, তোমার ধন-সম্পদ হরণ করে নিলে এবং তোমার পিঠে চাবুক মারলেও তুমি তাঁর কথা মেনে চল এবং আনুগত্য কর।” (ঐ ১০২৬ নং, আলবানী হাদীসটিকে সহীহ বলেছেন।)

৩৭। রিব্বঈ বিন হিরশ বলেন, যে রাতে লোকেরা উসমান বিন আফফান ﷺ-এর নিকটে গেল, সেই রাতে আমি মাদায়েনে হযাইফা বিন য়ামানের কাছে গেলাম। তিনি আমাকে বললেন, ‘তোমার সম্প্রদায়ের ব্যাপার কি?’ আমি বললাম, ‘আপনি তাদের কোন ব্যাপার প্রসঙ্গে জিজ্ঞাসা করছেন?’ তিনি বললেন, ‘ওদের মধ্যে কে কে

নেবা’ প্রত্যুত্তরে ইমাম রাহিমাল্লাহ তাআলা বললেন, ‘ওহে আল্লাহর বান্দা! আল্লাহ আয্যা অজাল্ল মুহাম্মাদ ﷺ-কে একই দ্বীন দিয়ে প্রেরিত করেছেন। অতএব তুমি এক দ্বীন থেকে অন্য দ্বীনে স্থানান্তরিত হবে কেন?’ (আশ-শারীআহ ৬২ পৃঃ)

১৩১। আবু বাকর আজুরী বলেন, যদি কেউ বলে, ‘যদি কোন ব্যক্তিকে আল্লাহ আয্যা অজাল্ল ইলম দান করেন এবং তার কাছে কোন ব্যক্তি এসে দ্বীনী কোন মাসআলা সম্পর্কে জিজ্ঞাসা করে, তার সাথে হুজুত ও বিতর্ক করে, তাহলে আপনি কি তার জন্য ঐ জিজ্ঞাসকের সাথে মুনায়ারা করে তার উপর হুজুত কায়েম করা এবং তার উক্তির খন্ডন করে তাকে হারিয়ে দেওয়া কি বৈধ মনে করেন?’

তাকে বলা হবে যে, ‘এটাই তো আমাদেরকে নিষেধ করা হয়েছে। এ ব্যাপারেই আমাদের পূর্ববর্তী মুসলিম উম্মাহর ইমামগণ আমাদেরকে সাবধান করেছেন।’

কিন্তু সে যদি বলে, ‘তাহলে আমরা কি করব?’

তাহলে তাকে বলা হবে যে, ‘সে যদি তোমাকে মুনায়ারা বা তর্ক করে নয় বরং জানার জন্য কোন মাসআলা জিজ্ঞাসা করে, তাহলে তাকে কিতাব ও সুন্নাহ, সাহাবাগণ ও মুসলিম উম্মাহর ইমামগণের উক্তির ইলম দ্বারা যথাসাধ্য স্পষ্টভাবে বয়ান করে তাকে সঠিক পথ দেখাও। পক্ষান্তরে সে যদি তোমার সাথে মুনায়ারা ও বিতর্ক করতে চায়, তাহলে তার সাথে পাল্লা দেওয়াকে উলামাগণ তোমার জন্য অপছন্দ করেছেন। সুতরাং তুমি তার সাথে মুনায়ারা বা তর্ক করবে না। বরং তোমার দ্বীনের ব্যাপারে সে ব্যক্তি থেকে সাবধান থেকে।

তার পরেও যদি সে বলে, ‘আমরা তাদেরকে বাতিল কথা বলতে ছেড়ে দেব, আর তাদের কোন প্রতিবাদ না করে চুপ থাকব?’

তাহলে তাকে বলা হবে যে, ‘তাদের সাথে মুনায়ারা করার চাইতে

তাদের ব্যাপারে চুপ থাকা এবং তারা যা বলে তা বর্জন করে চলাটাই তাদের জন্য অধিক কষ্টদায়ক হবে। পূর্ববর্তী সলফে সালেহ মুসলিম উম্মাহর উলামাগণ এরূপই বলে গেছেন।’ (ঐ ৬৫ পৃঃ)

(১৩)

বিদআতীকে ঘৃণা করা এবং তাকে সম্মান না দেওয়া

১৩২। ফুয়াইল বিন ইয়ায বলেন, ‘যে ব্যক্তি কোন বিদআতীর তা’যীম করে, সে আসলে ইসলাম ধ্বংস হওয়াতে সহযোগিতা করে। যে ব্যক্তি কোন বিদআতীকে দেখে খুশীতে মুচকি হাসে, আসলে সে মুহাম্মাদ ﷺ-এর প্রতি আল্লাহর অবতীর্ণ (কুরআন)কে তুচ্ছ মনে করে। যে ব্যক্তি তার স্নেহপুত্রলি কন্যার বিবাহ কোন বিদআতীর সাথে দেয়, সে আসলে তার সাথে আত্মীয়তার বন্ধন ছেদন করে। আর যে ব্যক্তি কোন বিদআতীর জানাযায় শরীক হয়, সে ফিরে না আসা পর্যন্ত আল্লাহর ক্রোধভাজন থাকে।’

তিনি আরো বলেন, ‘আমি কোন ইয়াহুদী বা খ্রিষ্টানের সাথে খাব, তবুও কোন বিদআতীদের সাথে খাব না।’ (শারহু সুন্নাহ, বার্বাহারী ৩৯নং)



(১৫)

বিদআতী ফাসেক অপেক্ষা নিকৃষ্টতর^(১)

১৩৪। আবু মুসা বলেন, ‘আমার হৃদয়কে ব্যাধিগ্রস্তকারী কোন বিদআতীর প্রতিবেশী হওয়া থেকে ইয়াহুদী, খ্রিষ্টান বা বানর-শুয়োর আমার প্রতিবেশী হওয়া আমার কাছে অপেক্ষাকৃত বেশী পছন্দনীয়।’ (আল-ইবানাহ ২/৪৬৮, ৪৬৯নং)

১৩৫। ইউনুস বিন উবাইদ একদা তাঁর ছেলেকে বলেন, ‘আমি তোমাকে ব্যভিচার, চুরি ও মদ্যপান করা হতে নিষেধ করছি। কিন্তু আমার বিন উবাইদ ও তার সাথীদের (বিদআতী) রায় নিয়ে আল্লাহ আয্যা অজাল্লার সাথে সাক্ষাৎ করার চাইতে ঐ সকল পাপ নিয়ে সাক্ষাৎ করা আমার নিকট অপেক্ষাকৃত বেশী পছন্দনীয়।’ (ঐ ২/৪৬৬, ৪৬৮নং)

১৩৬। আবুল জাওয়া’ বলেন, ‘কোন প্রবৃত্তিপূজক বিদআতী আমার প্রতিবেশী হওয়ার চাইতে একই বাড়িতে বানর-শুয়োর প্রতিবেশী হওয়া আমার নিকট অপেক্ষাকৃত বেশী পছন্দনীয়। তারা তো এই আয়াতের আওতাভুক্ত; মহান আল্লাহ বলেন,

(১) এর কারণ এই যে, বিদআতী বিদআত করে এবং সে কাজকে সে দ্বীন মনে করে। ফলে তা তাগ করা বা তা থেকে তওবা করার সে মোটেই তওফীক লাভ করে না। পক্ষান্তরে ফাসেক যে পাপ করে, সে পাপ মনে করেই করে। ফলে কোন একদিন সে তওবা করার তওফীক লাভ করে। আর এজন্যই ইবলীসের কাছে ফাসেকের চেয়ে বিদআতীই অধিক প্রিয়তম। তাছাড়া সাধারণ পাপের চেয়ে বিদআতের অনিষ্টকারিতা অনেক বেশী। পাপকে পাপ বলে চেনা যায়। কিন্তু বিদআতকে বিদআত বলে চেনা সহজ নয়। কারণ তা দ্বীন মনে করেই প্রচার ও গ্রহণ করা হয়। বলা বাহুল্য, ফাসেকের পাপকর্মে প্রভাবান্বিত হওয়া থেকে বাঁচা সম্ভব, কিন্তু বিদআতীর বিদআত থেকে বাঁচা আদৌ সম্ভব নয়। পরন্তু এখানে বিদআতী বলতে সেই বিদআতের বিদআতী, যে বিদআত করলে মুসলিম কাফের হয়ে যায়। -অনুবাদক

وَإِذَا لَقُوكُمْ قَالُوا آمَنَّا وَإِذَا خَلَوْا عَضُّوا عَلَيْكُمُ الْأَنَامِلَ مِنَ الْغَيْظِ، قُلْ مُؤْتُوا
بِغَيْظِكُمْ، إِنَّ اللَّهَ عَلِيمٌ بِذَاتِ الصُّدُورِ

অর্থাৎ, তারা যখন তোমাদের সাথে মিলিত হয়, তখন বলে, আমরা ঈমান এনেছি। আর যখন নির্জন হয় তখন তোমাদের প্রতি আক্রোশে আঙ্গুল কামড়ায়। তুমি বল, তোমরা নিজেদের আক্রোশে মরে যাও। নিশ্চয় অন্তরের খবর সম্বন্ধে আল্লাহ সবিশেষ অবহিত। (সূরা আলি ইমরান ১১৯ আয়াত, আল-ইবানাহ ২/৪৬৭, ৪৬৬ ও ৪৬৭নং)

১৩৭। আওয়াম বিন হাওশাব তাঁর ছেলে ঈসার জন্য বলেন, ‘আল্লাহর কসম! ঈসাকে তর্কপ্রিয় বিদআতীদের সাথে ওঠা-বসা করতে দেখার চেয়ে তাকে বায়েন, মাতাল ও ফাসেকদের সাথে ওঠা-বসা করতে দেখা আমার নিকট অপেক্ষাকৃত বেশী পছন্দনীয়।’ (আল-বিদাউ অন-নাহযু আনহা, ইবনে অযযাহ ৫৬পৃঃ)

১৩৮। ইয়াহয়া বিন উবাইদ বলেন, মু’তাজেলার এক ব্যক্তি আমার সাথে সাক্ষাৎ করতে এল। আমি উঠে গেলাম। বললাম, ‘তুমি এখান থেকে চলে যাও, নচেৎ আমিই চলে যাব। তোমার সাথে পথ চলার চাইতে কোন খ্রিষ্টানের সাথে পথ চলা আমার নিকট তুলনামূলক অধিক পছন্দনীয়।’ (ঐ ৫৯পৃঃ)

১৩৯। আরাভুআহ বিন মুনযির বলেন, ‘আমার ছেলে প্রবৃত্তিপূজক (বিদআতী) হওয়ার চাইতে কোন ফাসেক হওয়া অপেক্ষাকৃত বেশী পছন্দনীয়।’ (আশ্-শারহ আল-ইবানাহ, ইবনে বাত্তাহ ১৩২পৃঃ, ৮৭নং)

১৪০। সাঈদ বিন জুবাইর বলেন, ‘আমার ছেলের কোন বিদআতী আবেদকে সাথী করার চাইতে কোন ফাসেক ও বদমাশ সুলীকে সাথী করা আমার নিকট অপেক্ষাকৃত বেশী পছন্দনীয়।’ (ঐ ৮৯নং)

১৪১। মালেক বিন মিজওয়ালকে বলা হল, ‘আপনার ছেলেকে

সম্প্রদায়! আপনাদের মধ্যে কারো নিজের প্রতি সুধারণা এবং নিজের মতাদর্শের সঠিক জ্ঞান যেন তাকে ঐ শ্রেণীর কিছু প্রবৃত্তিপূজারী (বিদআতীদের) সাথে ওঠা-বসা করে নিজের দীন (ও ঈমান)কে বিপন্ন করতে উদ্বুদ্ধ না করে। সে হয়তো বলবে, ‘মুনাযারা (ও বিতর্ক) করার জন্য, অথবা তার মতবাদের আসল স্বরূপ উদ্ঘাটন করার জন্য আমি তার কাছে আসি-যাই।’ কিন্তু (তার জানা উচিত যে,) তারা দাজ্জাল থেকেও অধিক ফিতনাবাজ। তাদের কথা চুলকানি থেকেও বেশী সংক্রামক এবং অগ্নিশিখা থেকেও বেশী হৃদয়-দাহী।’ (ঐ ২/৪৭০)

২২৭। ইমাম আহমাদ বলেন, ‘যা আমরা শুনতাম এবং যে সকল আহলে ইলমদের সাথে আমাদের সাক্ষাৎ হয়েছে তাঁদের নিকট হতে আমরা যা উপলব্ধি করেছি তা এই যে, তাঁরা হৃদয়ে জং পড়া (বিদআতী) মানুষদের সাথে কথা বলা ও বসাকে অপছন্দ করতেন। আসল মঙ্গল রয়েছে মান্য করার মাধ্যমে এবং আল্লাহর কিতাব ও তাঁর রসূল ﷺ এর সুন্নাহর একনিষ্ঠভাবে অনুসরণের মাধ্যমে; জং ধরা মনের মানুষ বিদআতীদের সাথে বসে তাদের সাথে বাদ-প্রতিবাদ করার মাধ্যমে নয়। কারণ, তারা তোমার হৃদয়ে তালগোল পাকিয়ে দেবে অথচ তারা সৎপথে প্রত্যাবর্তন করবে না। সুতরাং - ইনশাআল্লাহ - তাদের মজলিস বর্জন করা এবং তাদের সাথে তাদের বিদআত ও গোমরাহী নিয়ে আলোচনা-সমালোচনা বর্জন করাতেই শান্তি ও নিরাপত্তা আছে।’ (ঐ ২/৪৭২, ৪৮-১নং)



(২৫)

হাদীস দ্বারা প্রবৃত্তিপূজক বিদআতীদের প্রতিবাদ ও খন্ডন

২২৮। উমার বিন খাত্তাব رضي الله عنه বলেন, ‘অদূর ভবিষ্যতে তোমাদের কাছে কিছু লোক আসবে, যারা কুরআনের দ্ব্যর্থবোধক (রূপক) আয়াত দ্বারা তোমাদের সাথে তর্ক করবে। সুতরাং তোমরা সুন্নাহ (হাদীস) দ্বারা তাদের সাথে তর্ক কর। যেহেতু সুন্নাহ-ওয়ালারাই আল্লাহ আয্যা অজাল্লার কিতাব সম্বন্ধে অধিক জ্ঞাত।’ (আল-হুজ্জাতু ফী বায়ানিল মাহাজ্জাহ ১/৩১৩, আশ্-শারীআহ ৫৮-পৃঃ, দারেমী ১/৬২, ১১৯নং, আল-লালকাঈ ১/১২৩, ২০২নং, আল-ইবানাহ ১/২৫০, ৮৩-৮৪নং, শারহুস সুন্নাহ, বাগবী ১/২০২)

২২৯। অনুরূপ বলেন হযরত আলী رضي الله عنه । (আল-লালকাঈ ১/১২৩, ২০৩নং, আল-হুজ্জাতু ফী বায়ানিল মাহাজ্জাহ ১/৩১৩)

২৩০। ইবনে রজব হাম্বলী কিছু সলফ থেকে বর্ণনা করেছেন, তাঁকে জিজ্ঞাসা করা হল, ‘কোন ব্যক্তি সুন্নাহর আলেম হলে, সে কি তার স্বার্থে তর্ক-বিতর্ক করতে পারে?’ তিনি বললেন, ‘না। তবে সে সুন্নাহ বয়ান করে দেবে। অতঃপর প্রতিপক্ষ তা গ্রহণ করলে ভালো; নচেৎ সে চূপ থাকবে।’ (বায়ানু ফাযলি ইলামিস সালাফ আলা ইলামিল খালাফ ৩৬পৃঃ)

২৩১। ইবনে বাত্তাহ উকবারী বলেন, ‘তুমি যার মাধ্যমে অপরকে পথ দেখাবে ও জ্ঞানদান করবে তা যেন কিতাব ও সুন্নাহ হয় এবং সাহাবা ও তাবঈঈন তথা মুসলিম উম্মাহর সহীহ আসার হয়।’ (আল-ইবানাহ ২/৫৪১)

